



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatio Synoptica De Ivdiciis Ad Lib: II. Decretal:  
Gregorii IX.**

**Herberstein, Ferdinand von  
Tabarelli de Fatis, Donato Vincenzo**

**Spirens., 1660**

16.

**urn:nbn:de:hbz:466:1-11416**

linquentis detrimentum. Quare debent intelligi, de denunciatione ad punitiōnem, non de denuntiatione ad præcavendū malū impendens requisita.

15. Solūm advertimus, quando Prælati seu inquisitores mandant denunciatiōnē sibi fieri de iis & aliis delictis absque eo, quod cum aliquo communices, hoc intelligendum esse de delictis, quæ tibi certò constant in edictis contineri, quæq; tibi denunciari mandantur. Nam si dubitas, an peccata; quæ scis sint contenta in edictis vel non, poteris sine scrupulo confessarium consulere aut alium virum doctum: neq; hanc communicationem inquisitores prohibere intendunt, ut advertit *Ioan: Sanch: select: Disput: II. num 57. cum alijs.*

16. Sed inquires quid dicendum in propriis injuriis: Respondeo rarò in his esse obligationem corripiendi secretò delinquentem, quia rarò invenitur injuriatus, cui grave non sit injuriantem fraternaliter corripere, & cuius correctio ab injuriato admittatur. Potest tamen injuriatus satisfactionem expostulare apud Judicem,

cem, si alia via desit & denunciare delinquentem in omnibus casibus, in quibus diximus denunciari posse delicta alteri damnum inferentia. ita ex Arag: 2.2.q.68. a. 1. docet Villalobus tom. 2. sum: tr. 4. differ: 12. numer: 2.

17. Corollaria ex dictis à n. 5. sequentia deducimus 1. Vi edictorum, quibus Judices aliquando præcipiunt denunciari certa delicta, aut certos reos ab iis, qui eos nōrint neminem teneri judicialiter denunciare delictum, & reum omnino emendatum, nisi delictum cum suo authore publicum sit, & nondum dederit publicam satisfactionem: idq; obtinere in delictissive noxiis ipsi delinquenti sive proximo, sive Reipub: etiam dato quod probari possint in judicio. Navar: in man. c. 25. m. 46. Ratio, quia licet huiusmodi denunciatio utilis esset ad punitionem delicti, hæc tamen sola utilitas non dat jus Judici ad præcipiendum denunciationem occulti delicti subdito jam emendato, quia cessat finis & ratio præcipiendi, secunda pars autem similiter patet, quia quando delictum fuit publicum, esto secretò emendatum sit,